

გადაწყვეტილება

N გ-22-19/497
24/11/2022

497-გ-22-1-4-202211241633



**„საქართველოს კომუნიკაციების ეროვნული კომისიის და ააიპ მედიააკადემიის 2022 წლის
ბიუჯეტის განხილვისა და დამტკიცების შესახებ“ კომისიის № გ-21-21 / 724
გადაწყვეტილებაში ცვლილების შეტანის შესახებ**

I. საქმის აღწერა

1. საქართველოს კომუნიკაციების ეროვნული კომისია (შემდგომში „კომისია“) აღნიშნავს, რომ კომისიის 2022 წლის 24 ნოემბრის სხდომაზე მოსმენილი იქნა კომისიის ადმინისტრაციის საფინანსო-საბიუჯეტო ჯგუფის უფროსის ნათია დევდარიანის ინფორმაცია 2022 წლის ბიუჯეტის ზოგიერთ მუხლში ცვლილების საჭიროების შესახებ.

2. საფინანსო-საბიუჯეტო ჯგუფის უფროსის ინფორმაციით კომუნიკაციების კომისიის 2022 წლის ბიუჯეტის 9 თვის შესრულებისა და მომავალი 3 თვის საპროგნოზო შემოსავლების გათვალისწინებით 2022 წლის ბიუჯეტში უნდა გაიზარდოს რეგულირების საფასურის შემოსავლების გეგმა 1,397,472 ლარით, ხოლო რადიოსიხშირული და ნუმერაციის რესურსის შემოსავალი 141,648 ლარით. აღნიშნული მატება გამოწვეულია, ერთი მხრივ, ავტორიზებული/ლიცენზირებული პირების შემოსავლების ზრდით, ხოლო მეორე მხრივ, ავტორიზებული პირების მიერ ნუმერაციის რესურსის მოხმარების მატებით. ასევე ცვლილება არის განსახორციელებელი სხვა შემოსავლებში (საპროცენტო შემოსავლები), რომელიც გეგმასთან შედარებით გაიზარდა 120,045 ლარით. ააიპ მედიააკადემიამ გაეროს ბავშვთა ფონდისგან (UNICEF), პროექტის „მედიაწიგნიერების ფორმალურ განათლებაში ინტეგრირების ხელშეწყობის“ ფარგლებში გრანტის სახით (სხვა შემოსავლები) მიიღო 36,000 ლარი.

3. 2022 წლის ბიუჯეტის 9 თვის შესრულებისა და მომავალი 3 თვის საპროგნოზო ხარჯების შესაბამისად ცვლილება განიცადა ხარჯვითმა კატეგორიებმაც, რაც ძირითადად შეეხო

კაპიტალურ დანახარჯებს, შრომის ანაზღაურების ხარჯს, მივლინების ხარჯებს, მომსახურების ხარჯებს, საზოგადოებასთან ურთიერთობის ხარჯებს, წარმომადგენლობით ხარჯებს, მედიაწიგნიერების ხარჯებს და სხვა ხარჯებს. ასევე ცვლილება განიცადა ააიპ მედიაკადემიის ხარჯების ბიუჯეტმაც: კაპიტალურმა დანახარჯებმა, შრომის ანაზღაურების ხარჯებმა და ადმინისტრაციულმა და საოპერაციო ხარჯებმა.

II. სამართლებრივი საფუძველი და დასაბუთება

1. საქართველოს ზოგადი ადმინისტრაციული კოდექსის 63-ე მუხლის თანახმად, ადმინისტრაციულ-სამართლებრივ აქტში ცვლილების ან დამატების შეტანის უფლება აქვს მის გამომცემ ადმინისტრაციულ ორგანოს. ადმინისტრაციულ-სამართლებრივ აქტში ცვლილება ან დამატება შეიტანება ამ ადმინისტრაციულ-სამართლებრივი აქტის მომზადებისა და გამოცემისათვის დადგენილი წესით.

2. „ელექტრონული კომუნიკაციების შესახებ“ საქართველოს კანონის მე-12 მუხლის პირველი პუნქტის მიხედვით, კომისია ყოველი წლის 1 დეკემბრისათვის ამზადებს და აქვეყნებს მომავალი წლის ბიუჯეტს, რომელშიც ასახულია კომისიის ყველა ხარჯი, მათ შორის, კომისიისა და მისი აპარატის სახელფასო უზრუნველყოფის ხარჯები, აგრეთვე შემოსავალი. ამავე მუხლის მე-2 პუნქტის შესაბამისად, კომისიის ბიუჯეტს ქმნის რეგულირების საფასური, ამ კანონით, „მაუწყებლობის შესახებ“ და „საჯარო სამართლის იურიდიული პირის შესახებ“ საქართველოს კანონებით გათვალისწინებული დაფინანსების სხვა წყაროები. როგორც აღინიშნა, კომისიის ადმინისტრაციის საფინანსო-საბიუჯეტო ჯგუფის უფროსის, ნათია დევდარიანის ინიციატივით 2022 წლის ბიუჯეტის 9 თვის შესრულებისა და მომავალი 3 თვის საპროგნოზო შემოსავლებისა და ხარჯების გათვალისწინებით არსებობს „საქართველოს კომუნიკაციების ეროვნული კომისიის და ააიპ მედიაკადემიის 2022 წლის ბიუჯეტის განხილვისა და დამტკიცების შესახებ“ კომისიის გადაწყვეტილებაში (გ-21-21 / 724, 31.12.2021) ცვლილების შეტანის საჭიროება.

III. სარეზოლუციო ნაწილი

ყოველივე ზემოაღნიშნულის გათვალისწინებით, საქართველოს ზოგადი ადმინისტრაციული კოდექსის 63-ე მუხლის და „ელექტრონული კომუნიკაციების შესახებ“ საქართველოს კანონის მე-12 მუხლის შესაბამისად, კომისიამ კენჭისყრის შედეგად, ერთხმად გადაწყვიტა:

1. შევიდეს ცვლილება „საქართველოს კომუნიკაციების ეროვნული კომისიის და ააიპ მედიაკადემიის 2022 წლის ბიუჯეტის განხილვისა და დამტკიცების შესახებ“ (№გ-21-21 / 724 31.12.2021) გადაწყვეტილებაში და მისი პირველი და მე-2 პუნქტები ჩამოყალიბდეს შემდეგი რედაქციით:

„1. დამტკიცდეს კომისიის 2022 წლის ბიუჯეტი შემდეგი სახით:

| N | დასახელება | ბიუჯეტი |
|------------------------|---|---------------------|
| 1 | შემოსავალი რეგულირების საფასურიდან | 10,750,202 ლ |
| 2 | შემოსავალი რადიოსიხშირული და ნუმერაციის რესურსი | 3,302,263 ლ |
| 3 | სხვა შემოსავლები | 557,535 ლ |
| სულ შემოსავლები | | 14,610,000 ლ |
| 1 | კაპიტალური დანახარჯები | 389,445 ლ |
| 2 | შრომის ანაზღაურების ხარჯები | 7,375,297 ლ |
| 3 | მივლინების ხარჯები | 267,463 ლ |
| 4 | მომსახურების ხარჯები | 531,508 ლ |
| 5 | ელექტრონული მომსახურების ხარჯები | 211,206 ლ |
| 6 | საზოგადოებასთან ურთიერთობის ხარჯები | 171,661 ლ |
| 7 | კომუნიკაციის ხარჯები | 36,910 ლ |
| 8 | კომუნალური ხარჯები | 110,958 ლ |
| 9 | საკანცელარიო ხარჯები | 10,322 ლ |
| 10 | დაცვის ხარჯები | 146,160 ლ |
| 11 | საწვავის ხარჯი | 88,943 ლ |
| 12 | საწევრო ხარჯები | 24,969 ლ |
| 13 | რემონტისა და შენახვის ხარჯები | 175,924 ლ |
| 14 | სხვა ხარჯები | 16,641 ლ |
| 15 | წარმომადგენლობითი ხარჯები | 116,020 ლ |
| 16 | საზოგადოებრივი დამცველი | 235,208 ლ |
| 17 | მედიაციონირება | 2,980,366 ლ |
| 17.1 | მედიაციონირების ხარჯები | 526,444 ლ |
| 17.2 | ა(ა)იზ მედიაკადემია | 2,453,922 ლ |
| სულ ხარჯები | | 12,889,000 ლ |

2. დამტკიცდეს ააიპ მედიაკადემიის 2022 წლის ბიუჯეტი შემდეგი სახით:

| N | დასახელება | ბიუჯეტი |
|------------------------|---------------------------------------|--------------------|
| 1 | კომისიის მიზნობრივი დაფინანსება | 2,453,922 ლ |
| 2 | სხვა შემოსავლები | 36,000 ლ |
| სულ შემოსავლები | | 2,489,922 ლ |
| 1 | კაპიტალური დანახარჯები | 150,914 ლ |
| 2 | შრომის ანაზღაურების ხარჯები | 972,118 ლ |
| 3 | ადმინისტრაციული და საოპერაციო ხარჯები | 1,366,890 ლ |
| სულ ხარჯები | | 2,489,922 ლ |

3. დაევალოს კომისიის ადმინისტრაციას გადაწყვეტილების კომისიის ოფიციალურ ვებგვერდზე (www.comcom.ge) გამოქვეყნება (ნ. ჯანელიძე)

4. გადაწყვეტილება ძალაში შევიდეს კომისიის სხდომაზე გამოცხადებისთანავე;

5. გადაწყვეტილება შეიძლება გასაჩივრდეს ქ. თბილისის საქალაქო სასამართლოს ადმინისტრაციულ საქმეთა კოლეგიაში (ქ. თბილისი, დავით აღმაშენებლის ხეივანი, №64)

მისი კომისიის ოფიციალურ ვებგვერდზე (www.comcom.ge) გამოქვეყნებიდან ერთი თვის ვადაში;


6. გადაწყვეტილების შესრულებაზე კონტროლი დაევალოს კომისიის ადმინისტრაციის უფროსს (ო. ვოტ).

კახი ბექაური



თავმჯდომარე

ვახტანგ აბაშიძე




წევრი

ეკატერინე იმედაძე



წევრი

ნათია კუკულაძე



წევრი

